



INATSISARTUT

## Aningaasaqarnermut Naalakkersuisoq

Ulloq: 26. november 2018  
J.nr.: 01.31.06/18-00821

### Aningaasaqarnermut Akileraartarnermullu Ataatsimiititaliap arfininngornermi ulloq 24. november 2018 aalajangiineranik Naalakkersuisunut ilisimatitsineq.

Ilaasunik angallassinermut kiffartuunneqarnissamut isumaqatigiissutit pitsanngor-sarneqarnissaannut periarfissat pillugit ilassutitut aningaasaliissuteqarnissamik qinnuteqaat. – Suliaq nr. 01.31.06/18 – 00821.

Naalakkersuisut inassutigaat,

- ”- Kujataani aamma Qeqertarsuup Tunuani AS 350 atorlugu immikkut qulimiguulimmik angalatitsisoqartalernissaa pillugu Disko Line-p isumaqatiginninniarfigineqarnissaa akuerineqassasoq. 2018-ip sinnerna-nut aningaasartuutissat 1,3 mio. koruuniupput, kontumit pingaarnermit 20.11.70 Suliniutinut nutaanut sillimmatit, atugassannngortitsinikkut aningaasalersorneqassallutik,
- kontumi pingaarnermi 20.11.70 Suliniutinut nutaanut sillimmatit, 2018-imi aningaasaliissutit 1,3 mio. koruuninik ikilisinneqassasut, aamma
- kontumi pingaarnermi 72.20.05 Ilaasunik angallassinermut tapiissutit, 2018-imi aningaasaliissutit 1,3 mio. koruuninik amerlisinneqassasut 018.”

### Aningaasaqarnermut Akileraartarnermullu Ataatsimiititaliap oqaaseqaatai apeqqutaalut:

Matumani aningaasaliissutinik qaffaanikkut ingerlatsisut kiffartuussinissamik isumaqatigiis-sutinut neqerooruteqartut toqqarneqanngitsut aningaasat neqeroorutigisaat qaangerneqartut ataatsimiititaliamit maluginiarneqarpoq. Tamanna ingerlatsisut toqqarneqanngitsut Nammi-nersorlutik Oqartussanut taarsiiffigineqarnissamik piumasaqaateqarsinnaanerannik tunnga-vissisinnaanersoq naliliiffigeqqullugu ataatsimiititaliamit Naalakkersuisut qinnuigineqarput.

Kiisalu nunatta kujataani 2018-imi novemberip decemberillu qaammataanni ajornartor-siutaasoq qinnuteqaat una aqqutigalugu aaqqiiviginiarneqartoq ataatsimiititaliamit oqaatigi-neqassaaq. Tassunga atatillugu qaammataanni tulluittuni angallanneqarnissamik pisariaqar-titsineq qanoq aaqqiniarneqarnersoq nassuiaatigeqqullugu Naalakkersuisut qinnuigine-qarput. Aammalu Upernavimmi Ummannamilu angallanneqarnissamik ajornartorsiutit qanoq aaqqinneqalersaarnersut nassuiaatigeqqullugu Naalakkersuisut qinnuigineqarput.

**Aningaasaqarnermut Akileraartarnermullu Ataatsimiititaliap aalajangiinera**  
Siuliani allassimasutut paasinnilluni Naalakkersuisut inassuteqaataat Aningaasaqarnermut  
Akileraartarnermullu Ataatsimiititaliamit **akuerineqarput.**

Inussiarnersumik inuulluaqqusillunga

Karl Kristian Kruse  
Aningaasaqarnermut Akileraartarnermullu Ataatsimiititaliap siulittaasua